

Na osnovu rješenja br. 05-14-2-318/18 od strane Federalnog Ministarstva Finansija, objavljujemo:

PRAVILA NAGRADNE IGRE

Član 1 – Naziv i sjedište Organizatora Nagradne igre

Diners Club BH d.o.o., Zmaja od Bosne 7, 71000 Sarajevo, JIB: 4201042950009, PDV Broj: 201042950009

Član 2 – Svrha Nagradne igre

Svrha Nagradne igre je promocija Diners Club kartica i Sparkasse Bank.

Član 3 - Vrijeme i teritorij odvijanja Nagradne igre

Nagradna igra traje od **10.04.2018.- 15.05.2018. godine**, na području FBiH i Distrikta Brčko.

Član 4 – Naziv i opis Nagradne igre

Naziv Nagradne igre je „**Vidi Mona Lisu u Parizu**“

Pravo učešća imaju sva punoljetna fizička lica, državljani Bosne i Hercegovine sa prebivalištem u FBiH i Distrikta Brčko, klijenti Diners Club-a i Sparkasse Bank koji apliciraju i kojima budu odobrene Diners Club kartice. Klijenti Sparkasse Bank koji u periodu od 10.04.2018. godine do 15.05.2018. godine apliciraju i istima budu odobrene Diners Club kartice automatski ostvaruju pravo na učešće u izvlačenju glavne nagrade.

Član 5– Nagradni fond (sa PDV-om)

Ukupan fond nagrada iznosi **2.000,00 KM** (slovima: dvijehiljade KM), i sastoji se od nagrade:

- Putovanja u Pariz – odnosi se na dvije osobe, uz plaćene avio karte, smještaj i karte za muzej Louvre

Porez na dobitak će biti regulisan u skladu sa Zakonom.

Član 6 – Uslovi učestvovanja u Nagradnoj igri

Za učestvovanje u nagradnoj igri potrebno je da klijenti Sparkasse Bank apliciraju, da istima budu odobrene Diners Club kartice, te izvrše bar jednu transakciju u minimalnom iznosu 50 KM, u periodu od 10.04.2018. godine do 15.05.2018. godine.

Uposlenici Diners Club-a ili članovi njihove uže porodice ne mogu učestvovati u nagradnoj igri.

Član 7 – Objava pravila Nagradne igre

Odobrena Pravila će biti objavljena na službenoj stranici Diners Cluba www.diners.ba i u jednim dnevnim novinama koje se distribuiraju na teritoriji priređivanja nagradne igre.

Datum objavljivanja uslovljen je datumom dobijanja odobrenja za organizovanje nagradne igre od strane nadležnih organa.

Član 8 – Izvlačenje dobitnika

Izvlačenje dobitnika i podjela nagrada će se vršiti slučajnim odabirom dobitnika koji je u posmatranom periodu zadovoljio uslove učešća nagradne igre. Pri izvlačenju dobitnika izvući će se i po jedan rezervni dobitnik.

Rezervni dobitnik je onaj koji je izvučen slijedeći nakon prvog pobjedničkog i koji će dobiti nagradu u slučaju da prvo izvučeni bude diskvalifikovan kao dobitnik ili odbije da prihvati nagradu iz bilo kog razloga propisanog ovim pravilima.

Nagradno izvlačenje je planirano na datum:

- 17.05.2018. – Nagradno putovanje u Pariz

Nagradno izvlačenje će biti realizirano u prisustvu komisije koja će provjeravati ispravnost izvlačenja, a koja će se sastojati od 3 člana, i to dva predstavnika iz Diners Club-a i 1 iz Sparkasse Bank.

Tokom svakog izvlačenja dobitnika nagrade sačinīt će se zapisnik u skladu sa Članom 12. Stav 4. Pravilnika o sadržaju pravila, uslovima i načinu privređivanja nagradnih igara Sl. Novine Federacije BiH 30/16.

Član 9 – Objava imena dobitnika i preuzimanje nagrada

Rezultati Nagradne igre bit će objavljeni na službenoj internet stranici Diners Club-a www.diners.ba i www.sparkasse.ba. Dobitnici će telefonski biti obaviješteni o nagradnom dobitku, kao i putem e-maila u roku od 8 dana od dana izvlačenja.

Dobitnik glavne nagrade je u obavezi da u roku od 5 radnih dana od dana obaveštenja o osvojenoj glavnoj nagradi, dostavi priređivaču pisanu Izjavu o prihvatanju glavne nagrade. Predmetna Izjava se može dostaviti preko pošte ili lično na adresu Sparkasse Bank, Zmaja od Bosne br. 7, 71 000 Sarajevo ili preko adresa elektronske pošte: info@diners.ba.

Preuzimanje nagrade će se izvršiti u roku od 30 dana od dana prijema obavijesti u prostorijama Diners Club-a kojima pripada nagrađeni klijent. Dobitnici nagrade nemaju pravo tražiti zamjenu nagrade, za neku drugu vrstu nagrade, a naročito ne isplatu novčane protuvrijednosti osvojene nagrade.

Ukoliko dobitnik ne preuzme osvojenu nagradu u roku iz prethodnog stava ovog člana, priređivač će ponovo obavijestiti dobitnika o osvojenoj nagradi, pri čemu dobitnik ima pravo preuzeti nagradu u dodatnom roku od 3 dana od prijema obavijesti.

Pri preuzimanju nagrada dobitnik odnosno osoba koju dobitnik na to ovlasti specijalnim punomoćjem, potpisuju izjavu o preuzimanju nagrade čime prestaju sve dalje obaveze priređivača nagradne igre prema dobitniku, a sve u skladu sa pozitivnim propisima.

Priređivač ne snosi troškove prevoza ili putovanja, niti bilo kakve druge eventualne troškove dobitnika povezane s preuzimanjem nagrade.

U slučaju da dobitnik bude diskvalificiran ili odbije da primi nagradu iz bilo kojih razloga, nagrada će se dodijeliti rezervnom dobitniku.

Član 10 – Obaveze dobitnika

Učestvovanjem u ovoj Nagradnoj igri učesnici u cjelosti prihvataju gore navedena pravila, kao i :

- da se njihovi podaci o ličnosti koji su dostupni organizatoru čuvaju u skladu sa Zakonom o zaštiti podataka i da isti mogu biti korišćeni samo u marketinške svrhe organizatora,
- da se njihovo ime javno objavi u skladu sa pozitivnim propisima,
- da se njihovi lični podaci: ime, prezime, te eventualno slika i video materijal, mogu od strane organizatora koristiti na način da se objave u štampanom, zvučnom, slikovnom i video materijalu bez naknade i prethodne saglasnosti učesnika, a isključivo u svrhe priređivanja ove nagradne igre i promocije proizvoda organizatora.

Učesnici i dobitnici u ovoj nagradnoj igri saglasni su da je sav gore pomenuti materijal vlasništvo priređivača, te se obavezuju da će se uzdržati od bilo kakvih postupaka prema priređivaču po osnovu prava korišćenja i/ili vlasništva navedenog materijala.

Član 11 – Mogućnost otkazivanja Nagradne igre

Organizator ima pravo da uz javno obavješćavanje jednostrano otkaže nagradnu igru u bilo kojoj fazi ukoliko je došlo do događaja koji imaju karakter više sile.

Ako bi nastala neka od gore navedenih okolnosti dodjeljivanje i distribucija nagrada će biti odmah obustavljena jednostranom odlukom organizatora, te će organizator javno objaviti razloge koji su doveli do prekida izvlačenja i distribucije nagrada.

U slučaju otkazivanja ili prekida nagradne igre neće se nadoknađivati troškovi ili eventualna šteta učesnicima u nagradnoj igri, niti će se nagradna igra održati.

Član 12 – Nadležnost suda

U slučaju spora, nadležan je Općinski sud u Sarajevu.

Diners Club BH do.o.o. Sarajevo